

Wasserratta

Ausschnitte aus dem Programm 2007

Bölli bigna - isch nit toll,
Vu dena isch - dr Boda voll.
Lieber hät er - Holz am Boda.
Miar söttend üsri - Wälder roda.
T r u l l a ,
Quaqis stönand - Oh-jemine,
statt Kies - as Loch, im Portmonaie.

Am "Vieri" isch fertig - oder neu am "Zwei" ?
Am Morga am "Sexi" - muasch nümma hei !
Egal, wia dia - sich händ entschiida,
suufsch eifach schneller - kasch länger liida.
T r u l l a ,
Und dem wo seit - du seisch a Linka,
verschlosch halt schu - am "Eins" dr Zinka !

Mafiosi - und au Manager,
Uf ihrna Konto - eis Geplätscher.
Dia wo schaffen - luagend ii,
krüppelnd hart - Johr uus, Johr ii !
T r u l l a ,
Goht das endlich - in din Palari,
Geld kriagsch nit - als Gaggalari !

As Parkhuus isch - a guati Sach,
a bitzli tüür - aber unter Dach.
D'Grossröt priemand - kum zwei Franka,
anstatt zahla - lufend's d'Schranka.
T r u l l a ,
Dia nögschti Sammlig - vur Berghilf goht, als Parkgeld an da - Grossi Rot !

I bin dr Berlusconi.
A kliina Napoleoni.
I macha Politik.
Verträga khei Kritik !

Dr schönst bin ii im Frack.
au suss a geila Sack.
I bin dr höchst Tifosi !
Befründet mit Mafiosi.

I mach khei krummi Sacha !
Tuan eign Gsetzli macha.
und öppadia au schmiira,
das git a hufa Lira

Bim wagsa werden's - streng bewacht,
wer isch das gsii - wär hät das gmacht ?
Hanf hends klaut - grad tonnawiiis,

z'Trin Mulin - im Paradis.

T r u l l a ,

Jetzt khasch dia Pflänzli - z'Khur ganz toll,
als Teeli trinka - sogar bim Tscholl !

Khur bruucht neu - Attraktiona.

A Bsuach söt sich - für alli lohna.

Dr Stadttrot hirnat - was gits für Sacha ?

dr Tarzan-Thomy. - wüsst was macha !

T r u l l a ,

d'Umzüünig vum - Fontanapark,
Für Tiger wär si - gnüagend stark !

Inna, ussa - inna ussa,

isch zehn mol schöner - als varussa !

Inna, ussa - inna ussa,

a brava Ma - dä wartet dussa !

T r u l l a ,

bald tarf au dä - as "Hüatli" träga.

Vum Pabst erlaubt - mit höchstem Säga !

Verstüüra müamar - jeda Rappa,

als Riicha kasch do - öppa zappa.

Jetzt goht's au dena - an da Kies,

mit am neua - Lohnuuswiis!

T r u l l a ,

Jetzt wird ma gseh - im Kassawesa,

"Rotlicht"-Bsüach - uf Firmaspesa !

Jetseta tät i gära.

Cüpli-Gläser lära.

I suacha neu - Huus.

für mii und mini Muus.

...Oh mia bel-la, bella Engadina,

Berlusco-ni's löön miar gar nit ina!

Löönt ihar mii - nit ina_khoo !

Muass ii z'ruck - nach Mi-la-no.